

大  
易  
則  
通

通卷四

因 重 義 伏

大英一千九百零九年三月二十二日

乾

兎

雅

震

陽太

少陰

陽

初畫奇偶各一

陽先陰後二書

奇偶各二相間

亦陽先陰後案

至上卦上爻皆

然三書奇偶各

四相間而八卦


成矣于每卦上

各因小橫乾一

至坤八之序重

# 卦 大 橫 圖

大過 鼎 恒 巽 井 益 升 訟 困 未濟 坎 蒙 師 蹇 旅 小畜 泰 否 革 豫 觀 比 剝 坤



坤

艮

坎

巽

陰 太

陽 少

陰

之而各衍爲八  
 六十四卦又成  
 矣若析之四畫  
 奇偶各八相間  
 五畫奇偶各十  
 六相間六畫奇  
 偶各三十二相  
 間也法象自然  
 之妙无容一毫  
 擬議者

畫卦小橫圖已成於八卦上各加八卦成六十四卦易  
曰八卦成列象在其中矣因而重之爻在其中矣此  
之謂也但初畫時只是層層奇偶相間一而二二而  
四便是一個乾一兌二離三震四巽五坎六艮七坤  
八自二層合四層又是兩個乾一至坤八自三層合  
五層又是四個乾一至坤八自四至六是八個總計  
下四層所上合共十五個乾兌離震巽坎艮坤與河  
圖中數相符亦妙矣下三層儀象卦之目同小橫四  
層名八卦之兩儀或云兩儀之八卦五層名八卦之  
四象或云四象之八卦六層或名八卦之八卦

六十四卦從中先分二大界復至乾三十二陽卦姤至坤三十二陰卦次從二大界中分四界臨至乾爲太陽十六卦復至同人爲少陰十六卦遯至坤太陰十六卦姤至師少陽十六卦次從四界中分二界泰至乾乾之八卦臨至履兌之八卦明夷至同人離之八卦復至无妄震之八卦否至坤坤之八卦遯至謙艮之八卦訟至師坎之八卦姤至升巽之八卦以上直分六層中分二層上三層每層四陽四陰下三層非八陰卽八陽總計每層皆三十二陽三十二陰但上層分三十二處下層總一處餘層例推 八卦中皆

四十八畫蓋每卦六爻六八合四十八也筮用四十  
九策掛一虛之止取四十八策入算意正如此乾八  
卦三十六陽十二陰坤八卦三十六陰十二陽正以  
應太陽策數奇數兌八卦離八卦巽八卦皆二十八  
陽二十陰震八卦坎八卦艮八卦皆二十八陰二十  
陽正以應少陽策數奇數乾前四卦合坤後四卦乾  
後四卦合坤前四卦兌前四合艮後四兌後四合艮  
前四離前四合坎後四離後四合坎前四震前四合  
巽後四震後四合巽前四卦皆二十四陽二十四陰  
正以應老陰策數奇數乾前四合巽後四乾後四合

巽前四皆三十二陽十六陰坤後四合震前四坤前  
四合震後四卦皆三十二陰十六陽正以應少陰策  
數奇數合而論之太陽二少陰四少陽六太陰八太  
陽少陽則八宮自具少陰太陰則必合二宮乃成也  
陽儀三十二以乾爲始陰儀三十二以坤爲終則乾兌  
離震四宮重終四卦巽坎艮坤四宮重始四卦試論  
之泰以終乾惟剛健中正乃能開泰臨以終兌惟冲  
和平易足以有臨明夷以終離明之用莫善于夷莫  
不善於露復以終震動之宜不難于往而難于來玩  
四卦之終可以自得矣姤以始巽委蛇相入奚有姤

角之虞訟以始坎孚心內訟寧蹈入窞之室遯以始  
艮貞君子之自克知止克終否以始坤貞匪人之外  
來永息野戰此八卦始終之妙有如此復一陽臨二  
陽泰三陽因積而大壯而夬以至於乾中惟間一明  
夷乃知不殷憂不能啓聖姤一陰遯二陰否三陰積  
而觀而剝以至於坤中惟間一訟乃知不自訟无以  
承天

陽在陽中順行在陰中逆行陰在陰中順行在陽中逆  
行如自復一陽至乾六陽一二三四五六非順乎自  
復五陰至夬一陰乾无陰五四三二一非逆乎自姤



至坤亦然此陰陽之正理也○六十四卦除乾坤外  
六十二卦又以復姤夬剝爲主持故姤復交于中而  
夬剝持其極凡天地之盈虛人事之得失邪正之消  
長无不可類推也 六陽六陰乾坤是也五陰五陽  
卽一陽一陰姤復同人師履謙小畜豫大有比夬剝  
十二卦是也四陰四陽卽二陽二陰大壯觀需晉大  
畜萃兌艮睽蹇中孚小過革蒙離坎家人解无妄升  
大過頤鼎屯巽震訟明夷遯臨三十卦是也三陽三  
陰卦泰否歸妹漸節旅損咸豐渙旣濟未濟賁困隨  
蠱噬嗑井益恒二十卦是也



復願屯益震巽  
 家人豐謙革同人  
 臨損節寧蹇睽  
 履泰畜需  
 畜壯  
 大畜  
 乾

乾

太陽

陽儀

陰

陰

兌

離

兌

離

震

巽

益

屯

復

繫傳天尊地卑乾坤定矣卑高以陳貴賤位矣動靜有  
常剛柔斷矣方以類聚物以羣分吉凶生矣在天成象  
在地成形變化見矣是故剛柔相摩八卦相盪鼓之以  
雷霆潤之以風雨日月運行一寒一暑乾道成男坤道  
成女乾知大始坤作成物乾以易知坤以簡能易則易  
知簡則易從易知則有親易從則有功有親則可久有  
功則可大可久則賢人之德可大則賢人之業易簡而  
天下之理得矣天下之理得而成位乎其中矣

涂鏡源云此章雖不專傳圓圖而用以玩圖精意躍  
然余有解別見

思齋翁氏曰圓圖左陽右陰左三十二卦陽始于復之初九歷十二變而二陽臨又八變而三陽泰又三變而四陽大壯又一變而五陽夬而乾以君之陽之進也始緩而終速其進也以漸所謂陽在陽中順也陽主升自下而上亦順也復至无妄二十陽明夷至同人二十八陽臨至履亦二十八陽泰至乾三十六陽二十陽之微二十八陽之著三十六陽之盛陽在北則微在東則著在南則盛亦順也陽順而陰逆不言可知矣陰在右方三十二卦則反是

邵子曰復至乾凡百一十有二陽姤至坤凡八十陽姤

至坤凡百一十有二陰復至乾凡八十陰

朱子云圓圖左屬陽右屬陰坤無陽艮坎一陽巽二陽  
爲陽在陰中逆行乾無陰兌離一陰震二陰爲陰在  
陽中逆行震一陽離兌二陽乾三陽爲陽在陽中順  
行巽一陰坎艮二陰坤三陰爲陰在陰中順行此以  
內八卦三畫言若以外八卦推之陰陽順逆行亦然  
徐氏曰一氣循環復至乾生物之始故震兌陰上陽下  
爲交泰之義主動言太極之用以行姤至坤成物之  
終故巽艮陽上陰下爲尊卑之位主靜言太極之體  
以立

楊氏曰復至乾陽自少而多極於乾則一變爲姤姤至坤陰自少而多極於坤則一變爲復六十四卦兩兩相對皆歷三十二位而變而真機則在坤復乾姤之間

夫極而乾反爲垢剝極而坤反爲復夫姤夾乾乾君定於南剝復夾坤坤藏定於北○圖夫姤夾乾剝復夾坤由姤至夫乾透體以坤道摩盪一過矣由復至剝坤透體以乾道摩盪一過矣八卦之互相摩盪也亦然序以乾坤剝復夫姤立三才之義是爲義文相授守一道

章本清曰自乾之純陽歷兌離以至一陽之震而其原  
則爲純陰自坤之純陰歷艮坎以至一陰之巽而其  
原則爲純陽非數往之順乎自震之一陽歷離兌以  
至乾之純陽而陰又將姤自巽之一陰歷坎艮以至  
坤之純陰而陽又將復非知來之逆乎可見全圖一  
也由左觀之陰陽皆逆由右觀之陰陽皆順左旋則  
總爲知來右旋則總爲數往不必從中半分爲數往  
之順半分爲知來之逆也易數皆未生總以知來爲  
主由一奇以推極乎數之陽由一偶以推極乎數之  
陰自震至乾自巽至坤按圖象與卦位皆逆數也况



數其已往知其將來理本一致而陰陽消長盈虛循環無端惡可截然分之爲二哉又曰造化之理非逆則無順使皆順窮矣聖人作易參贊之深旨全在于逆故曰易逆數也余亦有解別見

以錯綜論乾之對坤夬之對剝自乾左歷兌離震以訖於復自坤右歷艮坎巽以訖於姤上下左右凡對待之卦無非錯體自乾至泰履至臨同人至明夷无妄至復姤至升訟至師遯至謙否至坤他卦綜于上則本卦居下由乾而履而同人而无妄而姤而訟而遯而否而夬而兌以訖萃由大有而睽以訖晉由大壯

而歸妹以訖豫由小畜而中孚以訖觀由需而節以  
訖比由大畜而損以訖剝由泰而臨以訖坤每卦隔  
八相綜他卦綜於下則本卦居上凡八卦之流行无  
非綜體至夫左陽右陰之數與陽中陰數陰中陽數  
如前邵子朱子所論列而環中之理消息盈虛之道  
洵索籒有宰而變化無窮者矣王伯厚謂伏羲之易  
當以圖觀旨哉蔡虛齋稱邵子之學全在伏羲圖上  
更不拈起文王周公易辭一生用力多在卦圖今人  
尙未達於文周易辭奚足語於羲之圖畫哉

先天圓圖卦氣或見與月卦不合別有造作未知非

以智巧與也間嘗考之坤復之交合十二畫止一陽  
爻其爲冬至子半一陽生之象无疑自冬至至大小  
寒八卦二十陽陽始生也自立春至雨水驚蟄八卦  
自春分至清明穀雨八卦俱二十八陽陽漸長也自  
立夏至小滿芒種八卦則三十六陽陽極盛矣此與  
自復而臨而泰而大壯而夬而乾夫何以異乾姤之  
交合十二畫止一陰爻其爲夏至午中一陰生之象  
无疑自夏至至大小暑八卦二十陰陰始生也自立  
秋至處暑白露八卦自秋分至寒露霜降八卦俱二  
十八陰陰漸長也自立冬至小雪大雪八卦則三十

六陰陰極盛矣此與自姤而遯而否而觀而剝而坤  
又何以異而必區區以月卦拘論无乃非六十四卦  
縱橫曲直反覆相生自然之造化也

先天坤復之交爲冬至子中後天旣濟坎之交爲冬至  
子中先天乾姤之交爲夏至午中後天未濟離之交  
爲夏至午中先天坤陰窮而震陽始生後天坎得坤  
位一陽正孕於坤中且與離互精而聯合旣濟爲火  
陰根乎水陽先天乾陽窮而巽陰始生後天離得乾  
位一陰正孕於乾中且與坎互精而聯合未濟爲水  
陽根乎火陰先天見天地立位之全體後天見水火

不相射之大用按後天坎主冬至而旣濟內體離爲極南故曰南至離主夏至而未濟內體坎爲極北故曰北至又皆實理實象

伏羲諸圖肇衍於奇偶二畫胚胎於生序一圖卦不三畫不足以成體不因重不能以致用以生序分布方位立員圖之綱以員圖分宮層案莫方圖之極卽以因重生序者成全易八卦之序无移而闔闢往來屈伸消長之義因爻象以著是生序一圖其體而各圖皆所以致用也體自錯辨用從綜生錯綜備而時位分无員圖不知八卦之循環不息无方圖亦不知八

卦之升降有常也學者能虛義以求象活象以考圖  
循圖以審時位吉凶之業之幾可以會于无言矣

伏羲既畫大橫圖於是取復至乾三十二陽卦環列于  
左取姤至坤三十二陰卦環列於右遂成此圖體與  
小員位序不爽但小員一卦一體大員則一卦八體  
一體者八體之合八體者一體之分也橫圖起復至  
乾起姤至坤猶作兩截惟大員起復至乾乾交於姤  
起姤至坤坤交於復更見一氣周流而无罅迹矣  
左邊陽爻百一十二右止八十右邊陰爻百一十二左  
止八十取八十以相配左多三十二陽右多三十二

陰以陰陽之數配卦左一卦皆多一陽右一卦皆多  
一陰此左謂之陽卦右謂之陰卦也下一畫以三十  
二分陰陽左三十二陽右三十二陰第二畫以十六  
分陰陽自乾至臨十六畫陽自同人至復十六畫陰  
自姤至師十六畫陽自遯至坤十六畫陰第三畫以  
八分陰陽乾至泰八陽履至臨八陰同人至明夷八  
陽无妄至履八陰右亦然第四畫以四分陰陽五畫  
以二分陰陽六畫以一分陰陽此皆按圖可考也

大員重交接十六卦同之乾姤泰履臨同人明夷无妄  
復坤否謙遯師訟升是也乾必姤坤必復盈虛消息

之理殫於是矣履以開泰謙以休否正己匡時之經  
綜於是矣不同人而臨何知臨之有不遯以行師豈  
師貞之吉明夷而无妄乃真无妄也自訟以時升可  
免冥升矣

復與无妄一局天之所命賦予无妄有妄遂喪所從來  
既至於復妄於何生明夷與同人第二局人常以明  
夷自傷乖離之氣盡化於野於門不必大師之克矣  
臨與履第三局咸臨天下豈可御以智術惟素履斯  
稱敦知之臨泰與乾第四局裁成輔相非時乘六龍  
者不能泰不開於乾而何屬乎姤與升第五局姤遇



而時升際天蟠地捷於順噓訟與師六局戢亂鋤奸  
兵刑一道小之聽訟大之興師皆所以廓清兩間也  
遯與謙七局成功不居四時之序存遯世无悶之沖  
襟斯謙恭非同虛託否與坤八局傾否貴致審於玄  
黃之戰世際否塞行以安貞乃能通天地之不交而  
致順姑借周易義以測義畫於十六卦始終見乾坤  
大父母姤復小父母之妙蘊焉

邵子冬至子半之咏正以圖配周歲二十四氣之用故  
以二分二至四立各以二卦司之餘一節同三卦每  
卦主五日而陰陽啓閉寒暑顯藏无不當其位矣

# 圖圓外方內卦四十六

否 遯 訟 姤 姤 夬 履 乾 姤 遯 鼎 恒 巽 井 蠱 升 訟 困 泰 解 震 大 蒙 蹇 咸 困 姤 隨 革 兌 大  
 萃 咸 困 姤 隨 革 兌 大 晉 旅 濟 鼎 蠱 離 睽 睽 有 豫 遯 解 恒 震 豐 艱 屯 莊  
 觀 漸 渙 巽 益 夬 萃 需 比 蹇 坎 非 屯 蠱 節 需 剝 艮 蒙 蠱 頤 賁 損 畜  
 坤 謙 師 升 復 頤 臨 泰

六十四卦圖

卷一

一

圓布者乾盡午中坤盡子中離盡卯中坎盡酉中陽生於子中極於午中陰生於午中極於子中其陽在南其陰在北方布者乾始於西北坤盡於東南其陽在北其陰在南此二者陰陽對待之數圓於外者爲陽方於中者爲陰圓者動而象天方者靜而象地也

山齋

夫易有可圖有不可圖可圖者卽象而知不可圖者神明其意而已圓圖之義曰對待之跡曰流行之序曰化生之機曰先天之用復至乾卦凡三十二奇爻百有十二象陽動居左姤至坤卦凡三十二偶爻百有十二象陰靜居右對待之迹也四時之布萬物之偶

尊卑貴賤之列興衰治亂之分辨此矣坤復相禪乾  
姤相遇終則有始流行之序也日月之代明四時之  
錯行元會運世皇帝王伯之繼緒辨此矣此卽象而  
知者也生生之謂易而姤反乾歸坤疑非生道矣乃  
震從生焉蓋凡物華液不凝則實不堅實不堅則精  
氣不胎而形化息造化不霜降冰堅則彊陽不斂陽  
不斂則虛根不固而化機竭故反者物之命也靜者  
動之原也所以乾必反坤而後震可復也生化之機  
也雖然一屈一伸而感通孰通之必有淵然退藏者  
在猶之橐籥然一翕一闔而風生孰生之必有虛而

不屈者在則先天之用也此所謂不可圖而神明其  
意者也圖示用易之道也得象者且寡況意乎不得  
其意易何可用哉方圖之義何居曰風雷天地之神  
也水火天地之精氣也山澤天地之形也神者變變  
者動動者躁躁則欲其藏以密也故震巽恒益居最  
中精氣在動靜之間神所依也故坎離既未濟次之  
形則恒恒則不變精氣所舍也故山澤咸損又次之  
又次乾君坤藏方圖其坤藏之義乎凡物之躁動者  
未有不藏於坤也故人之思機藏於腹形氣固外神  
潛運乎中靜無而動有用器之道存焉耳

先天圓圖卽天地之運而循環无端方圖卽天地之交  
而化生莫測蓋運主乎順陽極陰生由姤而坤陰極  
陽生由復而乾此所以惟順則行也交主乎逆震巽  
中起陰上陽下坤乾外包水上火下此所以惟逆則  
生也邵子圓圖主運行之事方圖主生物之事是也  
張行成曰天統乎體體必分兩故圓圖各分四位地分  
乎用用必合一故方圖合爲一中又曰圓圖各分四  
方圖當一用者陽一而用二陰二而用一也  
外圓圖由復而乾由姤而坤陰陽生序之升降也內方  
圖乾始西北坤盡東南陰陽重卦之始終也圓圖風

轉於外方圖定位於內圖者其陽在南其陰在北方者其陽在北其陰在南南者陽之極陰之始也北者陰之極陽之始也一圖之對待陰陽老少各以類偶圓圖乾坤坎離位於四正震巽艮兌位於四隅卽八卦之位也方圖乾位西北而兌離震以次之東南坤位東南而艮坎巽以次之西北天地高卑而位列山澤異體而氣通水火隔物以相濟雷風交動以中分卽分橫圖八卦層累以成者也老少之類偶對待之遠近皆造化自然之妙也蓋圓爲天无不虛方爲地无不實人有圓之虛方之實天下之能事畢矣

章本清曰大哉易乎本无體也體且无之而畫爲圖象  
聖人豈得已哉正以見不易之內有變易者存變易  
之中有不易者寓非一圖所能盡故既有圓圖又有  
方圖其意義不可以一端求者以易本生生不測无  
體之秘悉藏於有象之圖也以圓圖順逆言之自復  
至乾陽變陰也皆從下而上復一陽臨二陽泰三陽  
大壯四陽夬五陽乾六陽自姤至坤陰變陽也皆從  
下而上姤一陰遯二陰否三陰觀四陰剝五陰坤六  
陰總之順天而左旋也自夬至坤陰之變陽則從上  
而下夬一陰大壯二陰泰三陰臨四陰復五陰坤六



陰自剝至乾陽之變陰亦從上而下剝一陽觀二陽  
否三陽遯四陽姤五陽乾六陽總之逆天而右轉也  
然左右順逆其氣之與數又不齊焉自子一陽生而  
爲復左旋至乾氣順也自乾一至震四逆天右行數  
逆也自午一陰生而爲姤右旋至坤氣順也自坤八  
至巽五逆天右行數逆也順行者數往故順卦之氣  
逆行者知來故逆卦之數也且卦數雖始乾一終巽  
五逆天而行然卦氣則始冬至復至大雪坤實順天  
而行蓋卦數之元自乾始卦氣之元自復始也自右  
旋而言左陽順陰逆一二三四順八七六五逆右陰

順陽逆八七六五順一二三四逆自左旋而言則左陽右陰之數皆逆蓋由氣左行數右行以氣順而觀則其數已往以數逆而觀則其氣方來若自左右卦畫言之左爲乾兌離震共一百十二陽八十陰右爲坤艮坎巽亦一百十二陰八十陽其象何整齊也然兌離當春百五十二陽四十陰坎艮當秋故反之乾巽當夏百六十四陽三十二陰坤震當冬故反之蓋春秋晝夜等而陰陽殊由春主陽生秋主陰殺故在日月則晝夜之數同在天地則陰陽之分異也以卦畫奇偶言之兌離震居左天之分也震一陽二陰離

兌陽漸多焉巽坎艮居右地之分也巽一陰二陽坎  
艮陰漸多焉蓋在天而陰多陽少則陽不見在地而  
陽多陰少則陰不見故冬至後四十五日立春而後  
陽用事夏至後四十五日立秋而後陰用事所以天  
辰不見地火常潛也卽卦圖觀天地曾何毫髮之或  
爽耶以言乎方圖則又有不盡然者蓋四周皆乾坤  
之卦而中心三十六卦皆六子卦也乾陽爻三十六  
坤陰爻三十六六子卦縱橫相對陰陽之爻合而爲  
三十六焉然橫數八卦乾居下縱數八卦則乾在上  
蓋運行用橫數生物用縱數八宮卦橫數夫在乾宮

縱數則夫在兌宮矣蓋運行者氣也生物者質也氣與質殊故縱橫異乾爲北政坤爲南紀乾上行而左坤下行而右動物本乎天植物本乎地賦予不齊南北異施所以橫數八卦類聚於下氣之變也縱數八卦類聚於上形之化也且圖從中出震巽爲之中心震巽屬木主仁不可以見天地生物之心乎若并方圓二圖而言圓左乾兌離震陽在陽中皆順行方左坤艮坎巽陰在陽中皆逆行圓右坤艮坎巽陰在陰中皆順行方右乾兌離震陽在陰中皆逆行若有不

同不知圖之圓方卽天地也天以陽在南陰在北地

以陽在北陰在南觀南方天氣熱地氣寒北方天氣  
寒地氣熱蓋可見也謂圓方圖象卽天地之法象不  
信然哉此皆自圖象之易見者言之以見意義之无  
窮耳觀象察變凡字內生生化化孰不含蓄於圖象  
中哉至於緣有象之圖窺无體之秘與造化爲徒豈  
易言哉

# 伏義方圖

否 遯 訟 姤 无 妄 同 履 乾

萃 咸 困 過 大 隨 革 兌 夬

晉 旅 濟 鼎 震 離 睽 睽 睽 睽

豫 小 過 解 恒 震 豐 歸 妹 歸 歸 歸

觀 漸 渙 巽 益 家 孚 中 孚 孚

比 蹇 坎 井 屯 既 濟 節 需

剝 艮 蒙 蠱 頤 賁 損 大 畜

坤 謙 師 升 復 明 夷 臨 泰

卦傳雷以動之風以散之雨以潤之日以暄之艮以止之兌以說之乾以君之坤以藏之

先正未詳此傳正指方圖動散中心之震巽恒益也潤暄二層之坎離既未濟四隅也止說第三層之艮兌咸損四隅也君藏外一層乾坤否泰之四隅也六子分效其職交襄生成萬物之功而乾坤之用六子泯於無朕此所以神妙而能變化也與

楊止齋曰方圖自中起有震巽之一陰一陽然後有坎離艮兌之二陰二陽又然後成乾坤之三陰三陽其序皆自內而外內四卦四震四巽相配而近有雷

風相薄之象震巽外十二卦縱橫坎離有水火不相  
射之象坎離外二十卦縱橫艮兌有山澤通氣之象  
艮兌外二十八卦縱橫乾坤有天地定位之象四而  
十二十二而二十二十而二十八皆有隔八相生之  
妙愚按乾君坤藏萬物俱包含於其內絪縕化醇男  
女構精故始交而震巽中交而坎離終交而兌艮則  
復歸乎太陽太陰之分矣此乾坤之所以位乎外而  
肇變化自中也

神也者妙萬物而爲言者也動萬物者莫疾乎雷撓萬  
物者莫疾乎風燥萬物者莫熯乎火說萬物者莫說乎



澤潤萬物者莫潤乎水終萬物始萬物者莫盛乎艮故水火相逮雷風不相悖山澤通氣然後能變化既成萬物也

先正多不究心圖學未詳此亦指方圖而言也乾君坤藏其用六子也爲而不宰翕而无倪物物而不物乎物斯周流六虛之至神至妙者也妙萬物而爲言則言六子卽所以言乾坤矣動撓指中起二卦燥說指西北斜連二卦潤終始指東南斜連二卦復層層叙出功能兼濟山中交而初交而終交又復推本於乾坤之變化賴六子以盡萬物之性也旣盡也

近見點易丹一圖說頗與余解合云按方圖中極似  
與神妙萬物章有適合者神一氣之所爲也天地之  
氣合同而化變動无方夫是之謂神六子功用皆神  
所爲而六子不得專神之名則舍乾坤莫與矣圖從  
中起故首雷風均謂之莫疾次莫熾莫說仍歷離兌  
言也又次莫間莫盛仍歷坎艮言也全圖止是乾坤  
今去乾坤專言六子以六子配四氣之行詳乾坤爲  
變化之主則後天卦氣即先天卦產生出之原唯乾  
坤變化而无爲故曰神曰妙此乃孔子之易也  
鑿深父曰以序則有時以居則有方以象則有節相

生以爲衰旺相推以爲變化相繼以至無窮也若夫  
神者則無物也按傳不言無物而言妙萬物襲說猶  
有未暢惟歸諸君藏之乾坤則體用合一矣故曰陰  
陽不測之謂神

大員圖旣成因照乾一及坤八之序析而層縈遂成大  
方圖但見一陰一陽各相對待一消一息迭爲盈虛  
如乾對坤泰對否之類對觀毫無差忒神矣妙矣

筮法老陽之數九策四九三十六奇則十二老陰之數  
六策四六二十四奇則十二少陰之數八策四八三  
十二奇則十六少陽之數七策四七二十八奇則二

十皆可於此圖見之乾至否八卦陽爻三十六陰爻  
十二乾至泰亦然坤至否陰爻三十六陽爻十二坤  
至泰亦然三十六者策數十二者奇數也惟老陽至  
尊故其策數奇數函於全圖之外而莫之滲也自夬  
至萃陽爻二十八陰爻二十橫履至臨亦然大有至  
晉橫同人至明夷亦然小畜至觀橫姤至升亦然自  
大畜至剝陰爻二十八陽爻二十橫遯至謙亦然需  
至比橫訟至師大壯至豫橫无妄至復亦然二十八  
者策數二十者奇數也少陽次於老陽故其策數奇  
數縱橫貫徹於全圖中也自乾至无妄自升至坤合

之陰陽各二十四自泰至復自姤至否亦然自夬至  
隨合蠱至剝亦然自大畜至頤合大過至萃亦然大  
有至噬嗑合升至比亦然需至屯合鼎至晉亦然大  
壯至震合巽至觀亦然自泰斜至否亦然其餘合之  
尤多兩二十四者策數奇數也惟老陰主養故无所  
不分以致役於全圖之內外也自乾至无妄合巽至  
觀陽爻三十二陰爻十六自小畜至益合姤至否亦  
然自泰至復陰爻三十二陽爻十六自大壯至震合  
升至坤亦然橫四合之皆然三十二者策數十六者  
奇數也少陰次於老陰故其奇數奇數間分於全圖

之中外也由是觀之陽主全陰主半自然之理始見筮用四十九策復掛一止存四十有八不知何據且陰陽老少策數奇數各不等竊有疑焉及玩此圖并小橫圖乃知理固如此夙疑頓豁矣

方圖之理有三樣方四卦作一看橫直十五卦作一看以八加減分四層作一看首一看者乾履夫兌一局乃乾兌之交乾剛兌和必交而後可以履可以夫兌革離睽二局乃兌離之交兌和離明必交而後可以革可以睽離噬嗑豐震爲三局震恒益巽爲四局巽渙井坎爲五局坎蹇蒙艮爲六局艮剝謙坤爲七局

皆然此七局其正交者也泰臨大畜損否遯萃咸亦得七局橫而遍上之得四十九局直而遍排之亦得四十九局各有至理可細叅也 第二看者首乾上乾下未盡乾之妙須觀其作用而乾之細縕始流故交於兌爲夬爲履非乾恐覓陸未易決而虎尾未易亨也交於離爲大有爲同人非乾恐大車未易載而大師未易克也交於震爲大壯爲无妄非乾恐无以決喪羊之藩旣得牛之災也交於巽爲小畜爲姤非乾恐密雲月望之難開而羸豕包魚之難制也交於坎爲需爲訟非乾恐不速之客无以來而无眚之戶

不容遁也交於艮爲大畜爲遯非乾恐天衢之易於  
說輻而嘉遯之變爲疾憊也交於坤爲泰爲否非乾  
則保泰開泰无其基傾否休否靡於末也此十四交  
入文序者六同人大有需訟泰否是也此乾之十五  
變所以盡上乾下乾之妙也次兌至坤交變之數皆  
然坤入文序者六師比晉明夷泰否是也泰否與乾  
同兌震巽艮之交變无入文序者離坎入文序者亦  
各六離之同有合乾晉夷合坤坎之需訟合乾師比  
合坤而旣濟未濟則二卦所通離坎爲乾坤二用昭  
然矣 第三看者自內而外以八相加自外而內以



八相減外第一層乾坤否泰一局泰否乾坤之交故  
乾必自用十二番轉旋坤必自用十二番經歷又必  
乾坤合用二十四番心力方能相與以有成誰謂開  
泰傾否易易乎以開泰言乾橫而坤縱乾皆居內坤  
皆居外以傾否言乾縱而坤橫乾皆居外坤皆居內  
乾之十二旋轉者泰之始夬大有大壯皆具一往无  
前之氣泰之終小畜需大畜皆存慎終如始之神否  
之始履同人无妄皆旣天理流行之實否之終姤訟  
遯皆懷功虧一簣之憂而喫緊尤在夬大畜履遯四  
卦之中蓋果決而篤實者致泰易素履而藏固者治

否密也坤之十二閎歷者泰之始從謙而升登高自  
卑也而師憂抱其中泰之終自復而臨由微之著也  
而明夷晦其內否之始自剝而觀欲盡理還也而比  
樂在其中否之終自豫而萃太和保合也而晉進充  
乎內至肯綮尤在謙臨剝萃四卦之中蓋謙光下際  
者泰交之休乎剝敬聚者濟否之道也乾坤合用二  
十四番結構者乾自西而開泰坤隨下以迎之乾自  
下而傾否坤隨東以助之故乾夫坤卽謙乾履坤卽  
剝高明柔克也乾大畜坤卽臨乾遯坤卽萃沉潛剛  
克也至其間同人顯比莫不各以類應焉第二層艮

兌損咸爲二局三層坎離旣未濟爲三局四層震巽  
益恒爲四局皆可類推并詳後錯綜圖說

觀伏圖其法曰橫圖知八卦六十四卦之摩盪圓圖知  
一氣二十四氣之消長方圖知八方六合九州之奠  
置何以明之自儀象之生八卦也層綯而皆得八卦  
之象焉邵子所謂加一倍法止析遍生之數而未及  
八卦生序層層无爽後人但知三畫六畫成卦未通  
於互卦之旨遂不能无遺議焉蓋三畫之摩大雖八  
卦而包含之義周六畫之盪小雖每宮八卦而條目  
所列曠矣惟知六十四卦之歸於八卦八卦之歸於

奇偶二畫并偶畫之歸於奇可以通於畫前之易矣  
氣之消長者蓋自橫圖乾一至坤八之數成因而重  
之八卦之八卦亦成乃取乾兌離震三十二陽卦以  
圓布於東北正東東南之地取巽坎艮坤三十二陰  
卦以圓布於西南正西西北之地但見自復一陽臨  
二陽歷泰大壯夬至乾六陽而一氣長矣自姤一陰  
歷遯否觀剝至坤六陰而一氣消矣以節候配復當  
冬至姤當夏至每月得五卦而一爻配一日二十四  
氣之不爽又如此八方之奠置者蓋天不滿東南故  
乾處西北地不滿西北故坤處東南一云天傾西北

故乾以君之地不滿東南故坤以藏之天地中山澤  
爲大故艮兌次之山宜西北而艮居東南澤宜東南  
而兌居西北陰陽之互根坎離亦然震巽亦然乾下  
濟坤上行之妙理也西北角純乾東南角純坤也東  
北角泰西南角乾坤之交也二層三層四層无不皆  
然可謂妙矣詳後錯圖且橫數之乾一至坤八也直  
數之亦乾一至坤八斜數之亦乾一至坤八也微矣  
哉

月

令

圖

否七月遯六月

姤五月

䷋訟 ䷌无妄 同人 履 ䷉乾四月

萃 ䷬ ䷌大畜

晉 ䷢ ䷌大有

豫 ䷏ ䷌泰月

觀 ䷓ ䷌小畜

比 ䷇ ䷌需

剝 ䷖ ䷌大畜

坤 ䷁ ䷌謙 師 升 ䷭ ䷌明夷 ䷌

復 ䷗ 臨 ䷒ 泰 ䷊ 正月

按此從方圖衍出向本義以卦配月不知其準於此復陽生爲冬至相循左旋至坤由一陽至六陽一陰至六陰嗣續不絕皆列圖外若錯處圖內無從覓造化矣且八卦止二老爲陰陽之純當寒暑之正而六子皆藏其中明五行四時乾坤之外无造化也圖方四圍二十八卦恰應列宿之數時取三卦相配餘十六間雜疎密亦似位置而成此豈人力哉

# 又衍月令圖

否月 運七月  
西秋分 申立秋  
姤六月 未春

䷋ 訟  
䷌ 无妄  
䷌ 同人  
䷉ 履  
䷀ 乾  
乾五月 午夏至

萃  
䷬ 大畜  
䷙ 大畜  
䷙ 大畜  
巳立夏 未四月

晉  
䷢ 大有  
䷍ 大有  
䷍ 大有  
辰清明 未三月

豫  
䷏ 小畜  
䷈ 小畜  
䷈ 小畜  
未三月 辰清明

觀  
䷓ 比  
䷇ 比  
䷇ 比  
未三月 辰清明

比  
䷇ 需  
䷄ 需  
䷄ 需  
未三月 辰清明

剝  
䷖ 畜  
䷖ 畜  
䷖ 畜  
未三月 辰清明

坤  
䷁ 謙  
䷎ 謙  
䷎ 謙  
未三月 辰清明

復  
䷗ 明夷  
䷣ 明夷  
䷣ 明夷  
未三月 辰清明



按此同前皆本方圖虛其中而得之也其以配一歲之運未經周孔指示獨從本義見之後來說易家亦未有討論至此衍爲圖說者竊思聖人序卦夬姤剝復相連不列乾坤所謂神无方而易無體也有五陽未終一陰已伏五陰未盡一陽已生之義陽窮於午陰極於子消息一機冬至子半之間卽陰陽往來之大關矣今取序卦大意謂乾午坤子也可謂剝復俱在子夬姤俱在午也亦可况陰陽積至於六以乾坤當二至之候至者極而必反之途也否泰陰陽相半以準二分亦甚相肖因竝存之備觀者參攷焉

# 方圖錯一

恒震

震巽交錯以立體

巽益

恒益錯兼綜以致用

大方廣圓覺經
















卷之三

# 方 圖 錯 二

坎			渙		解		未濟		鼎		離
井											
屯											
既濟			人		家						


離坎交錯豐渙錯  
 家人解錯噬嗑井  
 錯鼎屯錯既濟未  
 濟錯兼綜傳水火  
 相逮指此

# 方圖錯三


艮							咸
蒙							困
蠱							大過
頤							隨
賁		節	中孚	歸妹	睽		革
損							兌
	澤通氣指此	頤錯蠱隨錯傳謂山	困賁錯蒙革錯大過	過中孚錯漸歸妹錯	綜旅節錯蹇睽錯小	艮兌交錯減損錯兼	

方 圖 錯 四


否 遯 訟 姤 无妄 同人 履 乾



萃 乾坤貞錯之本否泰錯 夬 傳謂




晉 兼綜萃大畜錯剝夬錯 大有 乾以



豫 晉需錯比大有錯豫小 壯大 君之





觀 畜錯觀大壯錯遯臨錯 小 坤以



比 謙履錯訟明夷錯師同 需 藏之



剝 人錯姤復錯升无妄錯 大 指此



坤 謙 師 升 復 明夷 臨 泰

風雷者兩間之神氣也物之出入從雷發隕從風自中  
孕育惟二氣交相成而不相悖記曰神氣風霆風霆  
流形庶物露生是也說卦雷以動之風以散之又動  
撓萬物莫疾乎雷風皆指此

邵子謂先天圖心法也圖自中起萬事萬化生於心也  
章本清云圖以震巽爲中心震巽屬木主仁茲可以  
見天地生物之心矣先儒又謂震者長之始巽者消  
之始正可通於心法之說

蔡虛齋曰方圖震巽居中巽居左而向於東南震居右  
而向於西北是乾坤初畫之交易動則物萌其生意

散則物發其鬱二者言生物之功坎次巽離次震是  
乾坤中畫之交易潤則物以滋通暄則物以舒榮二  
者言長物之功次坎者艮次離者兌是乾坤三畫之  
交易止則物以成斂說則物以欣裕二者言收物之  
功位極於東南者坤位極於西北者乾乾於萬物无  
所不統坤於萬物无所不容言君震離兌之陽得乾  
而皆有所主領言藏巽坎艮之陰得坤而皆有所歸  
宿也

按每方以錯兼綜之卦皆列於西南東北二隅以致二  
本卦之用真變通不窮矣

乾上 乾下 兌上 兌下 離上 離下 震上 震下

# 八卦上下

否	遯	訟	姤	无妄	同人	履	乾
泰	畜大	需	畜小	壯大	有大	夬	乾
萃	咸	困	過大	隨	革	兌	夬
臨	損	節	孚中	歸妹	睽	兌	履
晉	旅	未濟	鼎	噬嗑	離	睽	有大
夷明	賁	既濟	家人	豐	離	革	同人
豫	過小	解	恒	震	豐	歸妹	夬
復	頤	屯	益	震	噬嗑	隨	无妄



# 相綜全圖

巽上 巽下 坎上 坎下 艮上 艮下 坤上 坤下


觀 ䷓	漸 ䷴	渙 ䷺	巽 ䷸	益 ䷩	家人 ䷤	孚中 ䷼	小畜 ䷈
升 ䷭	坎 ䷜	井 ䷯	巽 ䷸	恒 ䷟	鼎 ䷱	過太 ䷛	姤 ䷫
比 ䷇	蹇 ䷦	坎 ䷜	井 ䷯	屯 ䷂	既濟 ䷾	節 ䷻	需 ䷄
師 ䷆	蒙 ䷃	坎 ䷜	渙 ䷺	解 ䷧	未濟 ䷿	困 ䷮	訟 ䷅
剝 ䷖	艮 ䷳	蒙 ䷃	蠱 ䷑	頤 ䷚	賁 ䷖	損 ䷨	大畜 ䷙
謙 ䷎	艮 ䷳	蹇 ䷦	漸 ䷴	小過 ䷽	旅 ䷷	咸 ䷞	遯 ䷠
坤 ䷁	謙 ䷎	師 ䷆	升 ䷭	復 ䷗	明夷 ䷣	臨 ䷒	泰 ䷊
坤 ䷁	剝 ䷖	比 ䷇	觀 ䷓	豫 ䷏	晉 ䷢	萃 ䷬	否 ䷋

# 綜

# 圖

一

否 遯 訟 姤 姤 簡 履 乾



析伏羲

此圖以乾卦為主縱下綜橫



方圖每

上綜按機之上下內綜全上




卦上下

則外綜全下外綜全上則內




綜各得

綜全下內外卦之上下亦然



十五卦

豈可以對待當之其對待之



又合河

兼錯綜者惟否泰既未濟四



圖之中

卦此四正之所以獨尊與



數

綜

圖

二

萃 咸 困 遯 隨 革

履

䷬ ䷞ ䷮ ䷠ ䷐ ䷰ ䷴ ䷥ ䷱ ䷶

析方圓之兌縱七卦下橫

䷥ 睽

七卦上如乾以本卦論下

䷤ 歸妹

綜者乾一兌二等卦以次

䷀ 中孚

參伍自內上綜者諸卦以

䷻ 節

大參伍自外也觀前全圖

䷨ 損

則上下備在本卦亦自相

䷒ 臨

綜

# 綜圖三

析方圖之離

同人

晉  
旅  
泰  
鼎  
噬  
嗑

革

睽  
大有

離  
離  
離  
離  
離  
離  
離  
離  
離  
離

豐

家人

既濟

賁

明夷

析方圖之震

綜

圖

四

豫 小過 解 恒

噬嗑 豐 歸妹 大壯

無妄 隨

益


屯

頤

復


析方圖之巽

綜圖五




析方圖之坎


綜圖六




訟




困



未濟



解



渙



坎



比

蹇

井

屯

既濟


節

雷

雷




蒙



師

# 綜圖七

析方圖之艮






析方圖之坤

綜圖八




否




萃




晉




豫




觀



比



剝




坤


謙  
師  
升  
復  
明  
夷  
臨  
泰

# 方圖二分四分圖


陽之陰




陽之陽



陰之陰



















陰之陽



# 方圖分八圖

四八三八

二八一八




八八七八

六八五八

# 四 隅 互 卦 圖

乾至坤泰至  
否說詳後



# 方維錯綜圖

說詳後



方圖二分之左半陽右半陰兩之義四分之右半下載陽之陽上截陽之陰左半下載陰之陽上截陰之陰四之義分爲八八之義卦爻二分之陽爻一百九十二陰爻一百九十二四分之陰陽各九十六就圖四分之陽之陽陽爻六十四陰爻三十二陰之陰陰爻六十四陽爻三十二陽之陰陽爻四十八陰爻四十八陰之陽陽爻四十八陰爻四十八陰陽之在兩間平分而運有如此自古帝王之治天下期於平而止亦以此

邵子曰分方圖而觀西北十六卦天卦自相交東南十六卦地卦自相交其斜行則乾兌離震巽坎艮坤自西

北而東南皆陰陽之純卦也不能生物西南十六卦天  
去交地天卦皆在上而生氣在首故能生動物而首向  
上東北十六卦地去交天天卦皆在下而生氣在根故  
能生植物而頭向下其斜行則泰損既濟益恒未濟咸  
否自東北而西南皆陰陽相偶之合也所以能生物方  
圖主生物之事

自乾至歸妹爲一八乾卦六兌卦六離震各二卦陽爻  
三十六陰爻十二自同人至震爲二八離卦六震卦六  
乾兌各二卦陽爻二十八陰爻二十自姤至解爲三八  
巽卦四坎卦四乾兌離震各二卦陽爻二十八陰爻二

十自遯至豫爲四八艮卦四坤卦四乾兌離震各二卦  
陽爻二十陰爻二十八自小畜至臨爲五八乾卦四兌  
卦四巽坎艮坤各二卦陽爻二十八陰爻二十自家人  
至復爲六八離卦四震卦四巽坎艮坤各二卦陽爻二  
十陰爻二十八自巽至師爲七八巽卦六坎卦六艮坤  
各二卦陽爻二十陰爻二十八自漸至坤爲八八艮卦  
六坤卦六巽坎各二卦陽爻十二陰爻三十六每八陰  
陽爻共四十八而一八與八八陰數準陽數陽數準陰  
數多寡各從其類二八三八五八之陽爻與陽爻準陰  
爻與陰爻準陽多於陰四八六八七八亦陽爻與陽爻



準陰爻與陰爻準而陰多於陽亦各從其類也一八移  
圖圖南東隅太陽二宮各首四卦於西北隅健說於外  
而明動自中之象二八移圖圖東北少陰二宮各首四  
卦於西中下截明動向外而健說以貞運之象三八移  
圖圖南西少陽二宮各後四卦於西中上截散濶施功  
而剛明見起以劑過之象四八移圖圖西北太陰二宮  
各後四卦於西南順止內守而健說明動以鼓橐之象  
陽半四局皆橫層以順布也五八移圖圖南東太陽二  
宮各下四卦於東北隅健說內蘊而勞役入成之象六  
八移圖圖東北少陰二宮各下四卦於東中下截向明

出振而行止措宜之象七八移圓圖西南少陽二宮各  
下四卦於東中上截噓潤節宜而靜鎮有成之象八八  
移圓圖西北隅太陰二宮各前四卦於東南隅順止於  
內而下入發藏之象陰半四局皆橫層以逆布也上下  
左右變化不居苞符之秘生心應手規矩方圓之至謂  
諸圖非羲皇所作殆未深研奇偶成卦後之位置秩於  
天然也惟先後天之說宋儒所加以區別義文易耳  
王輔嗣曰統之有宗會之有元故繁而不亂衆而不惑  
六爻相錯可舉一以明也剛柔相承可立至以定也  
按全圖自乾至坤斜行八卦自權爲綜如圓圖之序一

八錯二七錯三六錯四五錯具橫圖之槩猶機之有經  
自泰至否斜行每卦各上下錯一八各綜二七各綜三  
六四五皆然猶機之有緯互證之義數圖皆一致也正斜  
橫豎總不外一陰一陽之道耳故曰神无方而易无體

方維一圖亦曰八角磨盤凡十六卦而八卦各居其四  
錯綜天然乾坤六子初爲氣雷風是也中爲精水火是  
也末爲形山澤是也氣以神運者惟雷風橐籥自中散  
布於四表以贊成兩間功用故表裏乾坤於四正水火  
山澤萃精藏形於四維亦无非贊成乾坤化工耳